

BOSTON PUBLIC LIBRARY

30 PH 1096






Digitized by the Internet Archive in 2010 with funding from.

Boston Public Library

DISCOVRS

AV PEVPLE DE PARIS,

ET AVTRES CATHOLIques de France, sur les nouvelles
entreprises des rebelles, &
feditieux.



A PARIS,

Chez Michel de Roigny, Libraire del meurant ruë S. Iacques aux quatre Elemens.

AVEC PRIVILEGE.

· Acc84-546(4) The Control of the State of the THE SHIPS



DISCOVRS AV

PEVPLE DE PARIS, ET autres Catholiques de France, sur les entreprises des rebelles, & seditieux.



VIS qu'en la commune afflictió de tout le corps François, tu as esté choisy (Peuple pa risien) pour seruir de subiect à la rage des cospirateurs, & que de tout temps, au moins

dés que des reuoltes ont esprouue la patience du Roy nostre souverain Prince, on
n'a tasché qu'à te surprédre: Puisque chascun aussi en la pourchasse et poursuyte des
ennemys de Dieu, du Roy, et de ceste Roy
alle et premiere cité du Royaume, chascu
se mect en quelque deuoir, soit par conseil, pour obuier aux complots des traistres, soit par armes, pour leur faire resistèce, soit par prieres pour appaiser l'ire de
Dieu, qui permect ces troubles, & pour
esprouuer nostre patièce, & pour chastiement de noz faultes, pour destourner ce-

A ij

ste tempeste, & dangereux orage. Il me semble que ie serois à blasmer, si estat oysif & comme prenant plaisir en la calamité; ie ne me mettois en quelque deuoir, selon que ie sçay, & qu'il est en ma puissance, esguillonne par lexemple de vous tous fidelle subiects du Roy, et vrays Catholiques, deseruir de quelque chose à la Republique tat affligee & vexee parel'incursion de ceux lesquels de fresche memoire ont conspiré & se font revoltez & rebellez conrre Dieu, leur Prince, & contre l'Eglise, desquels comme la cause est la plus iuste du monde (veu la tant grande debonnaireté du Roy en leur endroict) auffi fault-il efperer moyennant la grace de Dieu, que leur folle entreprise, couzute, & inhumanité, qui outrepassent l'infoiece & la bestialite de toutes nations barbares & infidelles, sera bien tost reprimee par vn iuste iugement de la justice divine, 85 humaine. De cecy la cite de Paris a grand matiere & argument de remercier Dién sur toutes les autres de ce Royannie, rellemet preseruee par la bote diuine, qu'elle aye veu les impudens visages, & ouy les paroles exectables des predicans, & ministres du diable, blasphemans le sain& factifice de Ielus Christ, & tous ses autres Sacremes, n'y nye experimente (au moins

bien peu) ce que c'est d'auoir les ennemis de Dieu & de l'Eglise dedans ses entrailles c'est à dire dedas la ceinture de ses murailles. Si est-ce que maintenant ell'a le dessus, ayant veu ruyner le chef des heretiques, & descouurir les factions des conspirateurs cotre le salut du Roy, & de ses subiects plus sidelles. Quelques vns pos-sible par ie ne sçay quelle inaduisee enuie de choses nouuelles, & induicts par la le-Aure de quelques meschants petits liures, se fians par trop à leurs esprits, sans demander l'aduis des gens doctes, defquelzil y a icy si grand nombre, ont quel-que peu varié: Mais maintenant qu'ils voyent clerement, que leur etreur precedoit d'vne deception diabolique: d'vn boh cœur, & de bonne affection se rangent à l'vniuersel consentement de l'Eglise. Quand doncques à l'union & concorde de toute la cité en vne mesme foy, & religion, ie inge à mon aduis qu'elle est telle que le defaut d'icelle (Dieu aydant) né nous portera aucun dommage. Et posé ores qu'il y en eust quelques vn desquelz ou peust auoir quelque doubte qui ne sont rien au regard de la reste : Il est à presupposer que la prudéce du Roy, de sa lustice, & des autres Officiers, & Magistratz d'icelle cité est telle, qu'ayant diligem-

l'œil sur eux, ilz donneront si bon ordre, que le commun consentement de la cité, ne recepura ancun detriment, par la malignité de peu de gens. Quant à ceux-là donques (si aucuns y en a) ie voy point qu'en y pouruoyant ainsi qu'il faut, il y ayt cause d'auoir, aucun doubte. Cecy craindrois-ie bien plus, qu'il y en eust plusieurs, qui n'eussent pas le cœur si genereux, & si magnanime qu'ils deuroient (comme ie ne doubte qu'il n'y en ayt beaucoup en plusieurs villes de ce Royaume) non pas que d'eux-mesmes ilz soient, lasches on pusillannimes mais tant pource qu'ilz n'ont pas l'opinion qu'ilz deburorent auoir de l'execrable meschanceté & impieté de noz ennemis: que pource qu'ilz estiment que cecy ne leur touche enrien, & qu'ilz n'y ont point d'interest: Ce qui les pourroit faire tellement perdre courrage, que tout ce qu'ilz feroient, ne seroit qu'à la contraincle, & à regret. Il y a quelques temps, qu'ay mis en lumiere vn petit traicté, auquelie monstre les ruses & finesses du diable, desquelles il vse! pour abolir le Sainct Sacrifice de Iesus Christ, par lequel on verra clerement qui est la caule, depuis cinquante ans en ça les. Heretiques ont fait tout leur effort pour abolir la Messe, en laquelle est offert à

Dieu pour les pechez, le precieux corps, & sang de Iesus Christ, selon son institution, & ce par assemblees, & conventioules illicites, ou par quelquez pents liures pestilens, & plains de poison qu'ilz semoient par le peuple. Mais depuis vn peu ilz ont tellemet ose leuer les cornes, qu'ilz osent bien publiquemet mettre en auant? Combien que Iesus Christ ayt dit, que contte l'Eglise edifiee sur la pierre, qui est la foy de Sainct Pierre, toutes les portes infernales, c'est à dire tous les assauts des diables, & des Heretiques, ne pourront auoir le dessus. Ils sont dis-ie tant effrontez, & outrecuidez, qu'ilz disent l'abolir du tout. Et pourtant qu'ilz ont veu ne pouuoit resister aux Catholiques, lesquelz & par escrits refutoient tellement leurs erreurs, qu'ilz ne sçauoient que respondre & en disputes priuces, & publiques, les repoussoient en telle sorte, que tous les subterfuges qu'ilz cherchoient, ne leur seruoient de rien : ainsi qu'ilz auoient tasché à attirer le peuple à eux par vne liberté charnelle, faulsement appellée Euagelique, en suyuant Mahommet. En l'imitant pareillement se sont efforcez de planter en France par armes leur abominable secte: & ayans tiré a leur cordelle plusieurs, desquelz ou pour ieunesse, ou lege-

A iij

rete d'esprit, ou pource qu'ils sont si fort endebrez, que sans piller le bien d'autruy ne se peutient acquiter, ayans abusé par plusieurs fois de la bonté du Roy, n'ont eu honte d'entreprendre sur luy, & luy faire la guerre, de se saisir de ie ne sçay combien de ses villes, voire & des principalles, detrousser les Thresoriers, & s'approprier à eux ses finances: & qui est le comble de tous maux, ont commis & conspiré la mort des Catholicques, & notamment des gens d'Eglise, innumerables voleries, pilleries, & sacrileges. Que di-iesacrileges? Ilz ont mesme ruyné & abbatu les Eglises, & d'vne cruauté que Turquesque, voire & non iamais ouye, ont par diuers tourmens massacré plusieurs prestres en despit du sain & sacrifice de Iesus Christ qui par eux l'offroit pour l'Eglise pensans estre au comble de leus intentions. Ce qui se peut veoir de present à l'œil en aucune parties de ce Royaume. Ces choses sont elelles pas si abominables, & si execrables, que tout bon Catholique en a horreur, non à les ouir, mais aussi à les penser seulement. Et que dirons nous si Dieu pour noz iniquitez nous regardoit d'vn œil si mal piteux, qu'il nous fallust veoir de noz yeux faire ce qu'en oyant seulement, nous ne pouuons faire que le cœur & le corps

9.

ne nous en tremble? Quel miserable spectacle seroit ce (que ia à Dieu ne plaise) si tant de belles Eglises edifiees de si long temps à l'honneur de Dieu, & pour son seruice, estoienten yn moment à l'appetit de gens incensez & possedez du diable, ruinees & demolies? si tant de belles reliques, tant de beaux ornemets, & de beaux vaisseaux d'Eglise que nous ont laisse noz predecesseurs consacrez & dediez à Dieu, tant de beaux Monasteres de Religieux, & Religieuses, vn si bel Hospital fonde & erigé pour le nourrissement des pauures de si beaux Collèges erigez pour l'instruction de la ieunesse, en toute bonne doctrine & en la religion Chrestienne & bonnes mœurs? Quel spectacle, dy ie servit-ce, fi tant de beaux edifices dediez à l'honneur de Dieu & deputez au bien public estoiet donnez en proye à larons, voleurs, brigas & sacrileges? Et penserions nous estre de meilleure condition que les autres? Ce qu' ils ont fait en vne infinité de villes qu'ilz ont prinses, y a il en Françe personne qui ne le sçache? Mais que parle-ie de ces villes qui sont si essongnees de Paris, que on en pouroit auoir quelque cause d'ignorace? Et ce qu'ilz ont rencotrez, faisans leur deuoir outre le bruit comun qui en est & qu'vn chacun sçait, qu'ilz en ont les vns eschorchez, les autres crucifiez, les autres

rostiz, & mis à mort le plus cruellement du monde, nous tesmoignent assez la fuite de tant de gens d'Eglise puis s'en sont venuzau refugeen ceste ville. Or estant les choses telles & si notoires, y a-il pas iuste cause de les mettre au reng des plus meschans qui furent iamais au monde & en ayans vn cœur denotieux & remply de pieté Chrestienne, se disposer à seà vouloir vaillamment soustenir l'honneur de Dieu, & la inste querelle de so Eglise, qui par euzest tellement outragee? Et qui en doute: Mais que fait le malheureux Sathan, qui au comencemet donoit à entendre par lorgane de ses ministres, qui faisoint la chatemite, & iouoient le personnage d'hypocrites, qu'ilt ne demandoient qu'amour & simplesse, abhorrosent toute sedition, tout tumulte, & toute guerre? Les ayant maintenant faict faire tout le contraire de ce qu'ilz disoiét, & qui estoit directement contre leur pensee, vne guerre civille estant esseuer en France telle que on ne vist, ne ouyst on iamais la pareille, voies vn peu par qu'elle ruse il tache à tout miner. Estant lordre sacerdotal par son pourchas & à sa poursuite, de long temps enuers quelques vns en non pas trop bone estime, il poulse de plus en plus fort à la rouë, & tache de pl' en plus à les redre odieux, & de les mettre en la male grace du peuple. Et de fait maintenat que par instigatio ils ont esté si mal traictez, que les infidelles mesmes, l'ilz le sçauoient, en auroient pitié, il fait semer par ses seditieux rebelles, voleurs & pilleurs d'Eglises, que la cause de ceste guerre, viet des ges d'Eglise & qu'il ne faut point que le comun peuple craigne: car ilz n'en veulet qu'aux ministres de l'Eglise. Et pourquoy font ilz cela? A celle fin qu'en n'effarouchant, & n'irritant point le peuple, auquel ilz disent qu'ilz ne demandent rien, il ne se face point d'amaz de gens contre eux, qui leur face resistace, & que ayas pillé & vollé les Eglises, & l'estans saisis des dismes, (qui de droict diuin appartiennent aux mini-Ares de Dieu) ils puissent trouuer à qui les vendre: & qu'à lors toutes les Eglises estans pillees, ils pourrot bien aisement venir à bout du simple peuple, qui ne se mettera point en defence pour ce qu'il ne se doutera de rien.

Telles sont les ruses de Satan, pere de mensonge, qui pour mener le mode à perdition, a tousiours accoustumé de se transmuer, & trassigurer en vn Ange de lumiere. Mais pourtant que ces mal-heureux rebelles à Dieu & à leur Prince, taschent

B ij

en leur cruauté plus que tirannique, couurir leur meschanceté, & faire leur cause bonne, en disant que les Ecclesiastiques sont cause de la guerre, & qu'ils n'en veulent qu'a eux, s'il sera bon de regarder; si en ce qu'ils disent, il y à quelque apparence de verité. Et premierement, quant à ce qu'ils disent qu'ils n'en veulent qu'aux Ecclesiastiques: qui est l'homme du monde si incensé qui puisse croire, ayant veu qu'ils se sont saisis fraudulentement de tant de villes du royaume, ont violentement rauy & destrouse les finances du Roy, cotre lequel ils n'ont point eu'de honte de soliciter les nations estranges de descendre en france pour ruiuer, s'ils eusseut peu, & le Roy, & le pays? A quisera il credible qu'ils n'en veusent que aux prestres, ayant veu que pour repousser les torts & iniures qu'ils luy font, & pour reconquester les villes qu'ils ont prinses, le Roy est encores à present con-traint d'assembler ses forces, auec lesquelles il fault qu il se face faire raison de ses subiectz? Le Roy di-ie, qui de toute an cienneté, a esté le plus redoute de ses ennemis, & le mieux obey de ses subiectz, que Prince fust au monde. Voire mais il n'en voulent qu'au Roy, & aux Prestres, à ceux qui portent les armes contre eux,

mais au peuple, il ne font point de desplaisir. Pour monstrer que cela est faux, il ne faudroit qu'alleguer les pilleries, extortions, oppressions, & violences, qu'ilz ont fait aux pauures Catholiques és villes esquelles les ayans prinses d'emblees & sans qu'on sen donnast garde, ils ont esté les maistres: Mais pource que tout cela ne consiste qu'en perte & dommage de leurs biens, ou en iniures, & outrages de parolles, ou en tourment corporel de non pas grand nombre, si ce n'a esté de quelques Prestres qu'ilz ont mis à mort, selon leur coustume, ie m'en deporte à present, ie diray seulement ce qui s'est passé de fresche memoire par tout le Royaume de Françe; afin qu'on voye auec qu'elle simpliciré marchent ces renards. Et si c'est le zele de l'Euangile qui les pousse, mais plustot vn desir sanglant de tout ruyner, & du regne de lesus Christ bastir le siege de Sathan, & ruyner tout le monde, & du venin infaict de la prostitution de la paillarde heresie, auec laquelle ilz se sont vnis inseparablement. Car de penser (le trouuer mauuais qui voudra) qu'vn huguenot ferme qui auec Iudas à faict la Cene, & à cospiré contre Dieu, & contre les Magistratz, tar spirituelz que temporelz, soit inmais bien Affectionne ny 2 l'Eglise fidelle & Catho-

B iij

licque, ny au Roy Tres-Chreslien, c'est se tromper plus que de moitié: d'autant que le diable l'est faisi de luy, & que l'enuie du serpent ancien ne mourra iamais tant que il verra l'homme en quelque chemin d'innocence. Vous auez donc veu que cessant vu peu les persecutions, auec, & par lesquelles ilz affligeoient les Ecclesiastiques comme causateurs (ainsi qu'ilz le chantet) de tous les malheurs de ce Royaume: voiant que ce chemin estoit trop espineux, & que la mort des ges de bie Ecclesiastiques estoit l'auancemet de la glore de Dieu ilz ont quitté aussi le glaive de ce costé, esperant qu'apres auoir abbatu le chef public ilz auroient bon marché du reste, & que le Roy ruyné, les Ecclesiasticas ne pourroiet subsister. Qu'ont ilz fait? les vns come les plus conscientieux se sont retirez hors du Royaume, Tous ces genres d'hômes ont payé le Roy d'vne estrage monnoye, conspiras sa mort, & le réuersemet de tout l'estat du Royaume, & par cosequent l'abolisment de la religion Catholique, & en fin la mort pitoiable des Ecclesiastques-& de tout le peuple affectionné à l'Eglise Romaine. Les premiers comme ennemys descouuers se sont mis en campaigne & ont fait tout rauage à eux possible sur les susdictz Catholiques du Roy & deceuxcy

a esté coducteur Mont-gonmery, chef de lascheté & le subiect de toute villennie, lequel à coura auec les bannis de ce Royaume, & quelques barbares tecuillis de diuers lieux, les haures de France, saccage le plat pays, persecuté les Ecclesiastiques, ou il les à peu empoigner. Et plus il a vomy son venin & monstré sa rage, lors que son frere sur-nomme de Sainct Iean (mais n'ayant rien propte à tel nom) fut occis faisant leuce d'hommes contre la Majeste de son Prince: carlors Mont-gommery, sest desrobé & a fait des insolences plusque brutalles à la Normandie, osant toutesfois publier, que pour dellurer le peuple de seruitude il tenoit la campaigne: comme fil estoit croyable que le loup entre dedans le parc pour la conseruation de la bergerie. Les seconds qui soubz le voile d'ouvr vne Messe, & porter des chapeletz comme passe-portz, & asseurance ont aussi esté ceux qui tenoient la main aux premiers, & estans parmy nous ont descouuert & fait les menaces, pratiqué les grads & donné les ouuertures pour ruyner ce qui leur faisoit resistance: & desquelz vous voyez les conseilz esclarcis ainsi que quelque iour (Dieu aidant) puisse vous le faire cognoistre. Quant aux troisiesme, comme leur parlure est detestable aussi sont ilz

B iiij

abominables: car ayant eu ceste grace du Roy, que d'eschapper la mort, tant de sois par eux meritee, N'ont pourtant laissé de se reuolter, & faisant amas illicites se mettre en campaigne & se saissir des places, & villes de de ce Royaume.

De telz a este chef en poictou vn nonmé la Noue, endurcy en ses trahysons, & le plus dessoyal qui viue, car tel le peult on dire, puisque si souuent il a faulce sa foy & l'est mosté ingrat au Roy, qui par trois fois luy a sauue la vie: Si ce conspirateur a esté gratieux aux Ecclesiastiques ie m'en rapporte à ceux qui ont esté prisonniers à la Rochelle, & en autres villes de Poi-&ou, & qui se sont sauuez par leur industrie: tant y a que ie suis assuré qu'vsant de quelque courtoisse ce n'est pour autre raison que pour tromper le peuple & luy faire acroire que non la religion, ains quelques autre consideration leur a fait prendre les armes Car si Dieu eust permis leur desin venir à la fin qu'ils prétendoient, les pauure Ecclesiastiques, pouuoient se tenir: prest pour rendre compte de leurs vies, deuant ces Capitaine Caluinistes: L'autre chef est Mombrun en Dauphiné, le premier qui de nostre téps a porté les armes, & fit menees cotte son Prince: S'il est cour to is ie m'en rapporte à tant de gens d'E-

glise fugitifs de leur pays aux riuieres qui ont receu les corps des massacrez; & aux Eglises pilices. Et ne veux vous dire, que l'annee passee les brigans Huguenots de Languedoc feirent à Lodesue, qu'ils prindrent, ne sçay si c'est par trahison ou par conniuence, & la ils trouuerent le corps sainct d'vn Euesque auss entier que le propre iour qu'ils auoit esté enterre: ils s'acharnent sur iceluy (mort y a plus de quatre cens ans) & le deschiqueterent à grans coups d'espec. O faict barbaresque! mais ô grand iugemet de Dieu! Ce corps saince seignant comme s'il ne faisoit que denir d'estre occis, & neantmoins ces brigans ne l'effroient d'vn si supernaturel & prodigieux miracle' ains l'em poignant le iectent au feu, lequel resista aux flammes, & ne peut onc est re brussé, & pour ce ils le meirent en cent mille pieces, & les iecterent & espendirent on né sçait ou, afin que les fidelles Chrestiens ne recueillissent ses sainctes & dignes reliques. Y eust il iamais homme qui ait ou leu aux histoires. ou seulement ouy reciter vn faict si horrible & si detestable. Ce n'est encore tout: car les agents de cetyran Monbrum, ayars fait long temps bonne pipee, & se feign as bons Cicholiques ilz ont faict amas, se sont renforçez en leurs maisons & pres-

que tous aux despens du Roy. Et se mettans en campaigne, ils ont faict des rauagemens si hideux, que i'ay honte qu'on sache entre les estrangers que les François vsent d'inhumanité si barbare que le Ture ne voudroit auoir pourpense. Car depuis que Peyrault & Peloux se sont soustraitz du seruice du Roy (si iamais ilz luy en feirent de bon)on a veu deschirer lez corps des pauures Catholiques comme qui decouperoit la chair sur l'estau à la boucherie. Et cesont ces diables incarnez, oubliez iusqu'a là que pour auoir les aneaux des filles & femmes qu'ils auoient violees, & puis massacrees, ils leur ont coupé les bras et les doigts auec vu exemple le plus cruel & effroiable qu'vn homme sçauroit imaginer. Ie laisse les maisons, villages, & bourgades brussez, pour n'auoir le nom bienau vray quoy que ie cognoisse les Seigneurs à qui a esté faicte l'iniure. Et dis seulement: Que si Dieu ne leur eust rompu leur dessein, & qu'ilz n'eussent failly a l'entreprise de Valence, on eut veu recommencer la guerre contre les Eeclesiastiques pire qu'elle n'estoit aux premies trou bles: Et puis vous direz que ceste religion puisse aporter chose que vaille, en quelque repos au Royaume où elle aura pris pied & fait entree: mais la chose la plus 19.

cruelle qui soit este faicte de nostre temps ça este que Solyman l'empereur des Tures qui, feist mourir à Budes bien huict cets prisonniers Allemans, qui l'estoient rendus à quelq'un de les Capitaines à la desconfiture de Rocandolfe & de l'armee de Ferdinand Archiduc d'Autriche deuant Budes en Hongrie Il ne faut point nier que la chose n'aitesté fort cruelle. Il n'y a personne qu'il la puisse aucunement ex cuser qu'il n'air vsé d'vne grande barbarie. Si est ce qu'en Solyman cecy est d'autant plus tollerable, que la diversité de la religion, & la cruelle guerre qu'il luy auoient faicte, & que ce temps pendant que ferdinandauoit enuoye vers luy son Embasa. deur pour impercer le Royaume de Hongrie, il anoit quand & quand enuoye vera vne armee pour les prendre. Toutes ces choses font que la cruauté ne semble pas si grande Mais que peult cestui-cy-aleguer pour dimiuuer l'estime qu'on a à bon droict de luy qui a faict la plus grande, & excessive cruauté du monde? Peult il alleguer diuersité de religion? Nenny. Car ça esté luy qui les a surpris deuant qu'ils f'en duotassent: & ne trouuerra on point qu'il luy ayent mesfaict en chose quelcon! que, s'il ne se sent offense de ce qu'on sert Dieu. & qu'on faict honneur à la glorien-

C ij

se viergeMarie. Ou si possible les hommes luy auoient fait quelque desplaisir en ce qu'ils se seroient mis en quelque effort cotre luy: cobien que la chose soit bien rigoureuse de se venger ainsi de froit sang, la cholere estant passee. Neantmoins puis qu'il se veult venger, qu'il tue & massacre ceux qui luy eussent peu nuire, combien qu'ils ne l'ayent faict. Mais de tuer ensemble vieux & ieunes, peres, & meres, maris, femmes, fils, & filles, voire iusques aux petits enfans estans au berceau, ou sucçans encores les mammelles de leurs mer es, c'est à faire à vn qui estant plus tyrant que Herodes, faict mourir les innocens en persecutant Iesus Christ'Or n'a il pas comme vous voyez, seulement exerce la cruauté contre les prestres car nous trouvons qu'ils sont ennemis de tous ceux qui sont en l'Eglise de Jesus Christ, ce qu'il nous fault maintenant monstrer, estans venuz à ce point, qu'il nous conuient examiner ee qu'ils disent : c'est à fçauoit, que les prestres sont cause del aguerre. Et premierement en c'est 'endroit ie ne me puis assez esmerueiller de leur impudence. Ils disent que les prestres sont cause de ceste guerre: mais si ainsi est. à quelle raison & Soubs quel tiltre font ils la guerre au Roy & entreprennét sur son estat? Y a il raison

que pourtant qu'il haient les Prestres ils prennent les armes & conspirent contre leur Prince, qui ne leur à point donné d'occasion? S'ils ne veulent dire, comme ie suis certain qu'ils disent en leurs cours, qu'ils ne sçauroient ruiner l'Eglise Catholique, de laquelle les Prestres ordonnez de Ielus Christ sont les ministres, s'ils ne ruinent premierement le Roy, lequel ayant le noble tiltre de Tres-Crestien, & suiuat la trace de tous ses predecesseurs, n'abandennera iamais la defense & la protection de l'Eglise. La cause doncques de c'este guerre ne vient pas des prestres, comme ils mettent en auant pour vn pretexte, mais de ce qu'ils voudroint que l'Eglife Catholique, c'est adire la congregation vniuerselle des fidelles qui croient en lesus-Christ, fust totalement abolie. Et cecy est le scope, le but, & le dessin de toute ceste guerre. Or sils veulent dire que le ne dis pas vray, & persistent a dire que les prestres en sont cause, le leur demanderois volontiers pourquoy ils le disent. En sont ils cause, pour cequ'en priué, ou en public, ils leur ayet faict quelq outrage?ils ne le diront pas & ne le scauroiet dire, en voulant dire la verité. Mais posez ores que ils leur eussent faict quelque chose qui ne fust de faire, failloit il incontinent courir

aux armes? Le Roy veult il pas qu'on face iustice à tout le monde, suiuant que sa charge & son deuoir le porte? Si les Ministres de l'Eglise leur auoient faict quelque, tort, les deuoint ils pas tirer en cause deuant les iuges, qui leur eusseut fai& droi& & iustice? Ou l'ils craignoient que les iuges ne fussent tels qu'ils devoient, c'eust esté le plus expedient de demander iustice au Roy mesme, & a son conseil. Mais de faire la guerre aux prestres qui sont point armez, sans leur faire entendre ce qu'on leur demande, voire & au Roy mesmes! qui n'en peult mais, & ne sçait rien de leur different, ya il homme de bon iugement au monde qui le puisse trouver bon? Les prestres donques ne leur ont faict ne tort ne desplaisir en façon quelconque: & Pils eussent ils en eussent eu reparation par iu? stice, sans venir à voie de faict, de sorte que il n'eust esté ia de besoing de venir aux ar mes. Mais regardons s'il y a point quelque autre chose qui les meine. Si-a, disenvils, car il est impossible d'endurer la mauuaise vie des prestres, qui sont paillars, ribaux concubinaires, & plains de beaucoup de vices, & les autres sont si ignoras, qu'à grad peine sçauent ils lire. Que diray ie icy? Nieray-ie qu'il soit ainsi pleust à Dieu que tous les prestres & ministres de l'glise se

suffent tousours deportez en sorte, qu'il n'youst personne, qui leur peust rien obiecter. Mais quel merueille est-ce si en si grand nombre, il y en a quelques vns elquelz on trouue à redire? Y a il auiourd'huy estat au monde, soit de gens de iustice de Gentill hommes, de marchafis, d'artisans, de laboureux, & de tous autres genevallement, qui facent tellemét leur devoir qu'en eux on ne trouue que reprendre? Cecy oseray-ie bien dire asseurement, que si en l'estat Ecclesiastique il y a de mal-viuans, il y en a aussi de ceux qui meinent vne vie exemplaire de vertu. Et sil ya des prestres qui soient ignorans, il y en a aussi plusieurs d'un eminent sçauoir, & qui font si bien leur deuoir, que les enuieux mesmes ne sçauroient comment y mordre & la grace à Dieu ne s'en trouuera pas trop grand nobre de ceux desquels la vie scandaleuse. Ce que ie puis dire de plusieurs endroicts de ce Royaume, mais principalement de vostre Cité de Paris, en laquelle y a si grand nombre de Docteurs de Religieux & autres y commis par l'Euesque vostre Pasteur & prelat, lesquels auec leur bonne vie & suffisante litterature, vous peuuent donner exemple de bien viure, & vous repaistre de bonne & saine doctrine. Et pour ce mieux faire, & affin

C iiij

24.

que vous n'en eussiez faute, les Roys vous ont faict edifier de fort beaux Colleges, & font que vostre Cité soit Vniuersité de presque tous les Chresties, au moins lapremiere & plofameuse du mode Mais posons le cas que la vie de plusieurs donnast scandale& que tout le Clergé fust cofit en extreme ignorace y a il raison pourtat qu'on tourmente cruellement, & qu'on tue & massacre les prestres, & qu'on face la guerreau Roy? Est-ce le moyen de reformer l'Eglise que par armes? La reformation se doirelle faire par pistoles, faucos, & bonbardes, & non pas par les Canons des Cociles! Or affin qu'on saçhe que pour cela il n'yauoit, ie dis pas cause, mais seulement occasion de faire la guerre: le vous asseure bien qu'a poissy estans dernierement congregez tous les Euesques de ce Royaume fut conclu & arrestee vne telle forme & maniere de reformation, qu'elle estant vne fois bien establie & mise en executió comme elle seroit bien tost (Dieu aydant) si ces alarmes cessoient, il seroit bien malheureux qui voudroit seulement murmurer contre les prestres, & a esté ce quilsont fait, comme vn preambule & vne preparation de ce qui se pourroit fort bien refoudre au Concile general: lequel estant il y a long temps de rechef ouuert à Tren25

m, où il auoit esté commencé, quelle rage est-ce quelle frenaisse d'esmouuoir vne si cruelle guerre souls couleur & pretexte de reformation, veu que ceux là, maintenant sont apres pour la faire à qui la charge en appartient, mais ie m'apperçoy de ce : qu'ils veulent dire. Nous ne voulons point disent ils, de leur reformation: car nous en voulons faire vne toute nouuelle; qui n'air rien de commun auec la leur. Et comment ! celà?ils sont apres, disent ils, pour donnet ordre que les prestres & ministres de l'E-1, glise facent leur denoirt mais nous, nous; les voulons du tout abolir, Et à ceste cause nous failons celle guerre, affin qu'ayans tué & massacre tous les prestres il ny en ayt plus.

Voila donc le but & le dessein ou ils tendent & la cause finalle pour laquelle ils ont entreprins ceste guerre, cest assaure, pour chasser les prestres. Mais pourquoy est ce, dira quel'vn, qu'ils hayent ainsi les prestres pour ceque le diable les a incitez à ce faire, assin que n'y ayant plus de prestres. & ne se faisant plus le sacrifice de de Iesus Christ, la foy Catholique soit totallement abolie auecques l'Eglise. Cat asseurez vous, que si on n'a ceste ferme foy qu'en l'Eucharistie est reallement & de

saict le precieux corps & sang de lesus Christ, qui soffre à Dieu par l'Eglise, le prestre en estant le ministre pour les pechez des viuantz & des trespassez, on peut bien dire qu'on est hors de la nef de l'Eglise Catholique, & qu'on ne peult estre fauué. Cela se prouue aisement par l'escriture & par les paroles de Iesus Christ mesmes & l'vniuersel consentement de l'Eglise tant en Orient qu'en Occident, & l'vlaige qui est encores par tout & à esté depuis le temps des Apostres, par tout, dif-ie, où est, & a esté la foy de lelus christ Et neantmoins se nostre temps leuez des Apostats, qui auec leur esprit Satanique ayant persuade le contraire à plusieurs de ce Royaume, leur ont faict prendre les armes contre leur Prince & contre l'Eglise, L'Eglise dis ie tant militante que triomphante, & tant des viuans que des trespassez. Qu'ilz ne demeurent, si contre ce qui est en l'Escriture & contre la tradition des Apostres ne veulent point qu'on honore & prie les sainets, & melmement. la benoisse Vierge Matie mere de Dieu, ne qu'on prie pour les trespassez . Mais qu'ay-se dict qu'ilz font la guerre à l'Eglise? Ilz font bien plus fort : car ilz la fonca Dien mesine & a nostre sauneur lefis Chrift. Dien ail pas diet que depnis.

17.

le Soleil leuant iusques en Occident sou nom est grand entre les nations, & on me sacrisse & offre vne oblation pure & monde, qui ne se peut entendre sinon de l'Eucharistie. Mais ceux-cy qui disent au contraire, qu'il aura ment y, & qu'il ne s'en sera rien: & qu'en despit de luy, ilz abolirent totalement le sacrisse en tuant tous les Prestres. A il pas dict pareillement parlant à Iesus Christ. Tu és le Prestre eternellement selon l'ordre de Melchisedech.

Comment se peut verifier cela, si ce n'est que par la toute puissante parolle de Iesus Christ proferce par la bouche du Prestre le pain transmue en son precieux corps, & le vin en son sang soffre à Dieu par toute l'Eglise, le Prestre en estant le Ministre? Mais que font ceux cy? Ilz disent tout contraire, qu'ilz l'engarderont bien d'estre le Prestre selon l'ordre de Melchisedech. Car ilz ne permettront pas qu'il le face aucun service soubz les especes de pain & de vin . Est-ce pas impudemment dementir Dieu & refister totalement I son vouloir & à sa puissance? En font il pas autant à Ielus-Christ quand ilz disent qu'il n'est pas vray, que par sa parole soit en l'Eucharistie son precieux corps & fong & quoy qu'il air commandé à les Ar-

Dij

postres, qu'ilz seissent ce qu'il auoit saict c'est à scauoir qu'ilz offrissent à Dieuson corps & son sang en memoire de luy, que ilz l'engarderont bien que ceste oblation n'ait lieu: car ilz tueront tous les Prestres, & par ainsi cessera ce sacrifice. Sont-ce pas icy parolles abominables & execrables? Mais ne pensez pas qu'ilz le disent seullement, mais ilz sont d'auantage tout leur effort pour l'executer., & où à Au Royaume de France, qui a tousiours esté le Royaume le plus Chrestien du monde & mesmes au pays dont la soy Chrestien ne s'est respandue parmy les François.

Ne permettez pas Seigneur Dieu, ne permettez pas qu'à vostre peuple Treschrestien il advienne vne si grande calamité, que d'estre priué de vostre cternel sacrifice, que vostre filz vnique a ordonné estre offert pour les pechez. Vous n'auez, pas Seigneur Dieu faute d'autres verges pour nous chastier. Vostre velonté soit faicte en la terre comme aux cieux, seulement donnez nous la grace que nous ne varions iamais de vostre saince foy, & que si le temps est venu, ou à tout le-moins s'approche de la venue de l'Antechtist, auquel Daniel vostre Prophete a prophetizé, que pour vn temps cesseroit vostre erernel sacrifice, que sela n'aduienne point

en nostre endroict. O bon, voire souuerainement bon Iesus, vous nous auez rachetez de vostre precieux sang au sanglant sacrifice, quand vous vous offristes vous mesmes vne foys à Dieu vostre pere en la croix, mais il ne nous est pas appliqué sinon parce non langlant lacrifice que vous nous auez ordonné & institué. N'endurez : pas que les Apostarz enuoyez du diable & qui vous ont renocé, puissent tant faire en ce Royaume tres-chrestien, que le sacrifice, qui est l'honneur qui appartient seulement à Dieu vostre pere luy estant osté, nous n'aurions pas remission de noz pechez & ne serions pas voz coheritiers de la vie eternelle selon vostre promesse. Que le diable qui a despit qu'on ne luy sacrifie plus nulle part, ne se glorifie pas que ce saince sacrifice qui a tousiours esté celebré en la Gaule depuis que la foy y a esté planree par Sainct Denis, voltre Apostre soit totallement aboly & annichillé. Nous vous en supplions à ioinctes mains Seigneur Dieu, nous vous en supplions non pas en contemplation de noz merites: car nous recognoissons miserables pecheurs: mais en contemplation de vostre sain& nom, qui a autant esté loué, sanctifie & glorissé en ce Royaume, qu'en autre qui soit au monde. Si nous faisions ainsi noz

prieres, ô Chrestien & vray Catholique peuple de Paris en luy demandat de cœur contrit secours & aide en nostre necessité, & en nous deliberant moyennant sa grace de vaillamment & hardiment resister à ces pilleurs & volleurs d'Eglisés, qui sont ennemis non pas seulement des Prestres, comme ilz disent, mais & du Roy, contre lequel ilzse sont rebellez, & de toute la congregation des fidelles en Iesus Christ qui est l'Eglise, de la benoiste vierge Marie mere de Dieu, & de tous les Saincts & sainctes: voire & de lesus Christ melmes, & de Dieu son Pere, nous deuons auoir vne ferme esperance, que ces malheureux sacrileges auront de bref la punition telle, que leur dessoyauté & impieté & leur abominable & detestable cruauté le

FIN:

requiert.

